

第三四八册

明倫彙編

氏族典

蘇姓部

符符巫

吾姓部

涂屠蒲

母姓部

扶狐須塗

受辜俱

壺孟瓠

瓠姓部

徒儒輸

紆邗盱

絢孤邾

莆奴蘆

與駒呼

吁茶湖

模洙侏

銖蕪敷

芻張諸

姓部

齊西姓部

倪黎姓部

(卷)

九

九

九

九

九

九

九

九

九

九

稽奚注犀嵐鄒

(卷)

邦梨沂哇鷄霓梯

姓芗氏諸姓部

柴懷淮鯉佳

厓姓街

皆諸姓部

裴姓部

裴梅姓部


一五

一六

一七

古今圖書集成

中華書局影印



古今圖書集成

卷一百一十五

欽定古今圖書集成明倫彙編氏族典

第九十四卷目錄

蘇姓部彙考

國語

唐書

鄧樵通志

王圻續文獻通考

廖用賢尚友錄

蘇姓部列傳一

周

蘇忿生

蘇泰

蘇厲

漢

蘇息

蘇朋

蘇雕

蘇嘉

蘇賢

蘇元

蘇夷吾

蘇耽

後漢

蘇竟

蘇純

蘇章

蘇不章

蘇從

蘇代

蘇盧

蘇建

蘇弘

蘇武

蘇昌

蘇通國

蘇章

蘇伯阿

蘇順

蘇謙

蘇謙

蘇謙

蘇謙

蘇謙

蘇謙

蘇謙

蘇謙

蘇謙

蘇謙

蘇謙

蘇謙

蘇謙

蘇謙

蘇謙

魏

蘇則

蘇愉

晉

蘇紹

蘇模

蘇通

南齊

蘇侃

北魏

蘇權

蘇祐

蘇擁

蘇淑

北齊

蘇瓊

蘇林

蘇愼

蘇峻

蘇韶

蘇烈

蘇備

蘇協

蘇湛

蘇子且

蘇子且

蘇子且

蘇子且

蘇子且

蘇子且

蘇子且

蘇子且

蘇子且

蘇子且

蘇子且

蘇子且

蘇子且

蘇子且

蘇子且

蘇子且

蘇子且

蘇子且

氏族典第九十四卷

蘇姓部彙考

國語

鄭語

史伯對鄭桓公曰夫黎爲高辛氏火正以淳耀惇大
天明地德光昭四海故命之曰祝融其功大矣夫成
天地之大功者其子孫未嘗不章虞夏商周是也虞
幕能聽協風以成物樂生者也夏禹能單平水土以
品處庶類者也商契能和合五教以保於百姓者也

周棄能播殖百穀疏以衣食民人者也其後皆爲王
公侯伯祝融亦能昭顯天地之光明以生柔嘉材者
也其後八姓於周未有侯伯佐制物於前代者昆吾
爲夏伯矣大彭豷韋爲商伯矣當周未有己姓昆吾
蘇顧溫董

注五國皆昆吾之後別封者

董姓融夷黎龍則夏滅之矣彭姓彭祖豷諸稽則
商滅之矣无姓舟人則周滅之矣妘姓鄆郇路偏陽
曹姓鄆宮皆爲采衛或在王室或在夷翟莫之數也
在王室蘇子溫子也在夷翟宮偏陽也

而又無令聞必不與矣斟姓無後融之與者其在平

姓乎

唐書

宰相世系表

蘇氏出自己姓顧瑣裔孫吳同爲重黎生陸終生樊
封於昆吾昆吾之子封於蘇其地鄆西蘇城是也蘇
忿生爲周司寇世居河內後徙武功杜陵至漢代郡
太守建徙扶風平陵封平陵侯三子嘉武賢嘉奉車
都尉六世孫南陽太守中陵鄉侯純字桓公生章字
孺文并州刺史五世孫魏東平相都亭剛侯則字文
師四子恬愉通援愉字休豫晉太常光祿大夫尚書
七世孫彤二千雅振
魏都亭剛侯則第三子通八世孫綽周度支尚書祁
公生成
趙郡蘇氏出自漢并州刺史章之後因官居趙州
又有武功蘇氏
蘇氏宰相五人貝嗣瓊題味道檢

鄭樵通志

以邑爲氏 周邑

蘇氏己姓顓帝裔孫吳回爲重黎生陸終陸終生昆吾封於蘇其地鄆西蘇城是也至周武王用忿生爲司寇邑於蘇子孫因以爲氏世居河內又有拔略氏改爲蘇氏魏姓也王圻續文獻通考

同姓異派

蘇氏有二祝融之後陸終生昆吾封於蘇以國爲氏又拔略氏改爲蘇氏

廖用賢尚友錄

蘇姓

蘇武功羽音又望出藍田洛陽

蘇姓部列傳一

周

蘇忿生

按左傳成公十一年昔周克商使諸侯撫封蘇忿生以溫爲司寇

蘇從

按萬姓統譜從楚大夫莊王卽位三年不出號日夜爲樂下令諫者殺伍舉隱諫王淫益甚從乃入諫王曰若不聞令乎從曰殺身以明君臣之願也王乃罷

淫樂聽政誅數百人進數百人任伍舉及從以政國大治

蘇秦

按史記蘇秦傳蘇秦者東周雒陽人東事師於齊而習之於鬼谷先生出遊數歲大困而歸兄弟嫂妹妻妾竊皆笑之蘇秦聞之而慙自傷乃閉室不出出其書編觀之得周書陰符伏而讀之期年以出揣摩曰此可以說當世之君矣求說周顯王顯王左右素習知蘇秦皆少之弗信乃西至秦秦孝公卒說惠王弗用乃東之趙趙肅侯令其弟成爲相號奉陽君奉陽君弗說之去游燕歲餘而後得見說燕文侯文侯於是資蘇秦車馬金帛以至趙而奉陽君已死卽因說趙肅侯趙王乃飾車百乘黃金千鎰白璧百雙錦繡千純以約諸侯於是說韓宣惠王又說魏襄王東說齊宣王西南說楚威王六國從合而并力焉蘇秦爲從約長并相六國北報趙王乃行過雒陽車騎輜重諸侯各發使送之甚衆擬於王者周顯王聞之恐懼除道使人郊勞蘇秦之昆弟妻嫂側目不敢仰視俯伏侍取食蘇秦既約六國從親歸趙趙肅侯封爲武安君乃投從約書於秦秦兵不敢關函谷關十五年其後秦使犀首欺齊魏齊魏伐趙趙王讓蘇秦蘇秦恐請使燕報齊蘇秦去趙而從約皆解是歲燕易王初立齊宣王因燕喪伐燕取十城易王謂蘇秦曰往日先生至燕而先王資先生見趙遂約六國從今齊先伐趙次至燕以先生之故爲天下笑先生能爲燕得侵地乎蘇秦大慙曰請爲王取之蘇秦見齊王齊王乃歸燕之十城人有毀蘇秦者蘇秦恐得罪歸復

就故官易王母與蘇秦私通燕王知之而事之加厚蘇秦恐誅乃說燕王曰臣居燕不能使燕重而在齊則燕必重燕王曰惟先生之所爲於是詳爲得罪於燕而亡走齊齊宣王以爲客卿齊宣王卒湣王卽位說湣王厚葬以明孝高宮室大苑囿以明得意欲破敵齊而爲燕燕易王卒燕噲立爲王其後齊大夫多與蘇秦爭寵者而使人刺蘇秦不死殊而走齊王使人求賊不得蘇秦且死乃謂齊王曰臣卽死車裂臣以徇於市曰蘇秦爲燕作亂於齊如此則臣之賊必得矣於是如其言而殺蘇秦者果自出齊王因而誅之

蘇代

按史記蘇秦傳蘇秦死事泄齊恨怒燕甚恐蘇秦之弟曰代乃求見燕王欲襲故事燕使一子質於齊燕相子之與蘇代婚而欲得燕權乃使蘇代待質子於齊齊使代報燕燕王噲問曰齊王其霸乎曰不能曰何也曰不信其臣於是燕王專任子之已而讓位燕大亂齊伐燕殺王噲子之燕立昭王而蘇代遂不敢入燕終歸齊齊善待之蘇代過魏魏爲燕執代齊使人謂魏王曰齊請以宋地封涇陽君秦必不受秦非不利有齊而得宋地也不信齊王與蘇子也今齊魏不和如此其甚則齊不欺秦秦信齊齊秦合涇陽君有宋地非魏之利也故王不如東蘇子秦必疑齊而不信蘇子矣齊秦不合天下無變伐齊之形成矣於是出蘇代代之宋宋善待之齊伐宋宋急蘇代乃遣燕昭王書燕昭王善其書召蘇代復善待之與謀伐齊竟破齊蘇代復重於燕燕使約諸侯從親如蘇

秦時天下由此宗蘇氏之從約代以壽死名顯諸侯

蘇厲

按史記蘇秦傳秦弟厲見兄遂亦學及燕使子質於齊蘇厲因燕質子求見齊王齊王怨蘇秦欲囚蘇厲燕質子為謝遂委質為齊臣燕大亂殺王噲子之立昭王而蘇厲遂不敢入燕終歸齊以壽死

漢

蘇息

按漢書功臣表息以將軍擊吳楚用趙相封江陽侯

諡康

蘇盧

按漢書功臣表中二年江陽侯盧嗣八年薨

蘇朋

按漢書功臣表建元二年江陽侯朋嗣十六年薨

蘇建

按史記衛將軍驃騎傳將軍蘇建杜陵人以校尉從衛將軍青有功為平陵侯以將軍築朔方後四歲為游擊將軍從大將軍出朔方後一歲以右將軍再從大將軍出定襄亡翕侯失軍當斬贖為庶人其後為代郡太守卒家在大猶鄉

蘇雕

按漢書功臣表元朔六年江陽侯雕嗣十一年元鼎五年坐酎金免

蘇弘

按漢書功臣表弘以伏波司馬得南越王建德封海常侯七年太初元年薨諡嚴亡後

蘇嘉

按漢書蘇建傳建子嘉為奉車都尉從至薤械陽宮扶輦下除觸柱折輦効大不敬伏劍自刎賜錢二百萬以葬

蘇武

按漢書蘇建傳建子武字子卿少以父任為郎稍遷至核中厓監時漢連伐匈奴匈奴留漢使匈奴使來漢亦留之以相當天漢元年且鞮侯單于初立盡歸漢使武帝遣武以中郎將使持節送匈奴使留在漢者與副中郎將張勝及假吏常惠等俱既至會緱王與長水校尉虞常等謀反匈奴中虞常引張勝單于怒議降之使衛律召武受辭武謂惠等屈節辱命雖生何面目以歸漢引佩刀自刺衛律驚自抱持武馳召醫武氣絕半日復息單于壯其節會論虞常欲因此時降武劍斬虞常已律舉劍欲擊之武不動律知武終不可脅適幽武置大窖中絕不飲食天雨雪武臥齧雪與旃毛并咽之數日不死匈奴以為神乃徙武北海無人處使牧羝羝乳乃得歸武杖漢節牧羊臥起操持節旄盡落初李陵降不敢求武久之單于使陵至海上為武置酒設樂因謂武降武曰自分已死久矣王必欲降武請畢今日之驪效死於前陵見其至誠喟然歎曰嗟乎義士陵與衛律之罪上通於天因泣下霑襟與武決去昭帝即位匈奴與漢和親漢求武等匈奴詭言武死常惠教使者謂單于言天子射上林中得鴈足有帛系書言武等在某澤中使者以讓單于單于驚謝於是召會武官屬凡隨武還者九人以始元六年春至京師詔奉一太牢謁武帝園廟拜典屬國武留匈奴凡十九歲始以強

壯出及還須髮盡白明年上官桀謀反武子元坐死免武官數年以故二千石與計謀立宣帝賜爵關內侯久之復為右曹典屬國以武著節老臣令朝朔望號稱祭酒年八十餘病卒甘露三年圖畫於麒麟閣

蘇賢

按漢書蘇建傳建子賢為騎都尉從祠河東后土宦騎與黃門駙馬爭船推墮駙馬河中溺死宦騎亡詔使逐捕不得惶恐飲藥而死

蘇昌

按漢書功臣表昌以圍小史捕反者故越王子鄒起封蒲侯

蘇元

按漢書蘇建傳武歸明年上官桀子安與桑弘羊及燕王蓋主謀反武子男元與安有謀坐死

蘇通國

按漢書蘇建傳武年老子前坐事死上問之間左右武在匈奴久豈有子乎武因平恩侯自白前發匈奴時胡婦適產一子通國有聲問來願因使者致金帛贖之上許焉後通國隨使者至上以為郎

蘇夷吾

按漢書功臣表蒲侯夷吾嗣鴻嘉三年坐婢自贖為民後略以為婢免

蘇章

按漢書鮑宣傳北海蘇章游卿儒生去官不仕於莽

蘇耽

按水經注蘇耽郴縣人少孤養母至孝忽辭母云受性應仙當違供養後見耽乘白馬還山中百姓為立

祠因名為馬嶺山

後漢

蘇竟

按後漢書蘇竟傳竟字伯况扶風平陵人平帝世竟以明易為博士講書祭酒善圖緯能通百家之言王莽時劉歆等共典校書拜代郡中尉時匈奴擾亂竟終完輯一郡光武即位就拜代郡太守使固塞以拒匈奴建武五年冬盧芳略得北邊諸郡帝使偏將軍隨弟屯代郡竟病篤以兵屬弟詔京師謝罪拜侍中數月以病免初延岑護軍郡仲况擁兵據南陽陰縣為寇而劉歆兄子璆為其謀主竟時在南陽與璆書曉之又與仲况書諫之於是仲况與璆遂降竟終不伐其功潛樂道術年七十卒於家

蘇伯阿

按論衡蘇伯阿能望氣光武至河北與伯阿見曰卿前過春陵何用知其氣佳也伯阿對曰見其爵爵葱蔥耳

蘇純

按後漢書蘇章傳章祖父純字桓公有高名性強切而持毀譽士友咸憚之永平中為奉車都尉贊固軍出擊北匈奴車師有功封中陵鄉侯官至南陽太守

蘇順

按後漢書蘇順傳順字孝山京兆霸陵人和安間以才學見稱好養生術隱處求道晚乃仕拜郎中卒於官

蘇章

按後漢書蘇章傳章字孺文扶風平陵人少博學能

屬文安帝時舉賢良方正對策高第為議郎數陳得失其言甚直出為武原令順帝時遷冀州刺史換為并州刺史以摧折權豪忤旨坐免隱身鄉里不交當世後徵為河南尹不就論者舉章有幹國才朝廷不能復用卒於家

蘇謙

按後漢書蘇章傳章兄曾孫不韋不韋父謙初為郡督郵時魏郡李嵩為美陽令貪暴為民患謙案得其臧論輸左校謙累遷至金城太守去郡歸鄉里漢法免罷守令自非詔徵不得妄到京師而謙後私至洛陽時嵩為司隸校尉收謙掠死獄中

蘇不韋

按後漢書蘇章傳章曾孫不韋字公先年十八徵詣公車會謙見殺不韋載喪歸鄉里瘞而不葬仰天歎曰伍子胥獨何人也乃藏母於武都山中遂變名姓盡以家財募劍客邀嵩於諸陵間不克會嵩遷大司農時右校尉廩在寺北垣下不韋與親從兄弟潛入廩中鑿地達嵩之寢室出其牀下值嵩在則因殺其妾并及小兒留書而去嵩大驚懼乃布棘於室每出輒劍戟隨身不韋知嵩有備乃日夜飛馳徑到魏郡掘其父冢家斷取阜頭以祭父墳又標之於市曰李君還父頭嵩匿不敢言而自上退位歸鄉里私掩塞冢梓捕求不韋歷歲不能得憤悲感傷發病嘔血死不韋後遇赦還家後太傅陳蕃辟不應為郡五官掾初弘農張奐睦於穉氏而武威段熲與嵩素善後奐頗有隙及奐為司隸以禮辟不韋不韋懼之稱病不詣頗既積憤於奐因發怒乃追咎不韋前報嵩事又

今長安男子告不韋奪舅財物遂使從事張賢等就家殺之并其一門六十餘人盡誅滅之

魏

蘇則

按魏志蘇則傳則字文師扶風武功人也起家為酒泉太守轉安定都太守征張魯徙為金城太守西平鞠演叛則勒兵討之演恐乞降後武威三種胡寇鈔道路則發兵救武威演聞之將步騎三千迎則辭來助軍而實欲為變則誘與相見因斬之河西平進封都亭侯徵拜侍中與董昭同察昭嘗枕則膝臥則推下之曰蘇則膝非依人枕也初則及臨晉侯植聞魏氏代漢皆發服悲哭文帝聞植如此而不聞則也帝在洛陽嘗從容言曰吾應天受禪而聞有哭者何也則謂為見問鬚髯悉張欲正論以對侍中傅異指則曰不謂卿也於是乃止黃初四年左遷東平相未至道病薨子怡嗣怡薨無子弟愴襲封

蘇林

按魏志劉劭傳劭同時散騎常侍陳留蘇林亦著文賦頗傳於世林字孝友博學多通古今字指凡諸書傳文問危疑林皆釋之建安中為五官將文學甚見禮待黃初中為博士給事中文帝作典論所稱蘇林者是也以老歸第國家每遣人就問之數加賜遺年八十餘卒

蘇愉

按魏志蘇則傳則子愉咸熙中為尚書注愉字休豫歷位太常光祿大夫忠篤有智意

晉

蘇紹

按魏志蘇則傳註愉子紹字世嗣爲吳王師石崇妻紹之兄女也紹有詩在金谷集

蘇慎

按魏志蘇則傳註紹弟慎左衛將軍

蘇模

按晉書蘇峻傳峻父模安樂相

蘇峻

按晉書蘇峻傳峻字子高長廣掖人也少爲書生有才學仕郡主簿年十八舉孝廉末嘉之亂百姓流亡所在屯聚峻糾合得數千家結壘於本縣遣長沙徐璋宣檄諸屯示以王化遠近感其恩義推峻爲主遂射獵於海邊青山中元帝聞之假峻安集將軍時曹嶷領青州刺史表峻爲掖令峻辭疾不受嶷惡其得衆將討之峻懼汎海南渡既到廣陵朝廷嘉其遠至轉鷹揚將軍有功除淮陵內史遷蘭陵相加奮威將軍太寧初更除臨淮內史王敦肆逆峻率衆赴京師隨庾亮追破沈充進使持節冠軍將軍歷陽內史加散騎常侍封邵陵公峻威望漸著潛有異志時明帝初崩委政宰輔護軍庾亮欲徵之峻素疑亮欲害己於是謀爲亂以討亮爲名與王師戰頻捷遂陷宮城矯詔大赦自爲驃騎領軍將軍錄尚書事時溫嶠陶侃已唱義於武昌峻聞兵起遂遷天子於石頭嶠從白石南上峻逆戰與數騎北下突陣不得入將遇趨白木陂牙門彭世李千等投之以矛墜馬斬首衛制之焚其骨峻司馬任讓等共立峻弟逸爲主逸爲李陽所執斬於車騎府

蘇通

按前秦錄建元七年高平蘇通長樂劉祥並以碩學耆儒爲祭酒

蘇韶

按王隱晉書蘇韶字孝先安平人也仕至中牟令卒韶伯父承第九子節數見韶與語天上及地下事不能悉知也韶與節別曰吾今見爲修文郎守職不得來遂絕

南齊

蘇侃

按南齊書蘇侃傳侃字休烈武邑人祖護本郡太守父端州治中侃涉獵書傳出身正員將軍補長城令薛安都反引侃爲其府參軍使掌書記安都降魏侃自拔南歸除積射將軍遇太祖在淮上便自委結上鎮淮陰以侃詳密取爲冠軍錄事參軍深見知待元徽初巴西人李承明作亂太祖議遣侃使慰勞還除羽林監加建武將軍桂陽之難上復以侃爲平南錄事領軍主從頓新亭使分金銀賜諸將軍除步兵校尉出爲綏遠將軍山陽太守清修有治理百姓懷之進號龍驤將軍除前將軍軍沈攸之事起除侃游擊將軍遷太祖諮議錄事除黃門郎復爲太祖太尉諮議侃事上既久備悉起居乃與丘巨源撰蕭太尉記載上征伐之功以功封新建縣侯齊臺建爲黃門郎領射聲校尉建元元年追贈輔國將軍梁南秦二州刺史諡侯侯

蘇烈

按南齊書蘇侃傳侃弟烈字休文初爲東莞令張末

鎮軍中兵累至山陽太守寧朔將軍游擊將軍袁粲起事太祖先遣烈助防城仍隨諸將平石頭封吉陽

縣男建元中爲假節督巴州軍事巴州刺史巴東太守寧朔將軍如故宋明中至平西司馬陳留太守卒官

北魏

蘇權

按周書蘇亮傳亮祖權魏中書侍郎玉門郡守

蘇備

按北齊書蘇瓊傳瓊父備仕魏至衛尉少卿

蘇祐

按周書蘇亮傳亮父祐泰山郡守

蘇協

按周書蘇綽傳綽父協武功郡守

蘇擁

按魏書蘇湛傳湛父擁字天祐秦州撫軍府司馬

蘇湛

按魏書蘇湛傳湛字景偶魏侍中則之後也晉亂避地河右世祖平涼州還鄉里湛少有器行頗涉羣書年二十餘舉秀才除奉朝請領侍御史轉員外散騎侍郎蕭寶夤討關西以湛爲行臺郎中孝昌中寶夤反還武功莊帝即位徵補尚書郎既至拜散騎都尉仍領郎尋遷中書侍郎出帝初病還鄉里終於家贈散騎常侍鎮西將軍雍州刺史

蘇淑

按魏書蘇淑傳淑字仲和武邑人也兄壽典坐事爲閹官後爲河間太守賜爵晉陽男將卒遂冒養淑爲

子熙平中襲其爵除司空士曹叅軍尋轉太學博士
厲威將軍員外散騎侍郎轉奉車都尉使於冀州會
高乾邕執刺史元崑據城起義淑贊成其事未幾尔
朱汝歸率兵將至淑於郡逃還京師後除左將軍大
中大夫行河陰令出除樂陵內史淑在郡綏撫甚有
民譽後歷滎陽太守亦有能名加中軍將軍司空從
事中郎興和二年拜中山太守三年卒於郡

蘇子且

按魏書蘇淑傳淑子且武定中齊獻武王廟丞

北齊

蘇瓊

按北齊書蘇瓊傳瓊字珍之武強人也幼時隨父在
邊文襄引爲刑獄叅軍累遷南清河太守其郡多盜
及瓊至民吏肅然有鄰郡富豪將財物寄置界內以
避盜爲賊攻急曰我物已寄蘇公矣賊遂去在郡六
年人庶懷之遺憂尋起爲日直廷尉正遷三公郎中
行徐州事後爲大理卿而齊亡仕周爲博陵太守

欽定古今圖書集成明倫彙編氏族典
第九十五卷目錄

蘇姓部列傳二

北周

蘇亮

蘇綽

蘇師

蘇順

隋

蘇孝慈

蘇威

唐

蘇世長

蘇定方

蘇榮

蘇弁

蘇珣

蘇瓊

蘇踐言

蘇頌

蘇詵

蘇源明

蘇巢

後梁

蘇循

後唐

蘇楷

蘇讓

蘇椿

蘇武周

蘇沙羅

蘇夔

蘇助

蘇良嗣

蘇冕

蘇味道

蘇幹

蘇安恆

蘇晉

蘇乂

蘇務元

蘇震

蘇檢

蘇瓚

蘇章

後漢

蘇逢吉

宋

蘇協

蘇曉

蘇祐

蘇紳

蘇慶文

蘇序

蘇舜欽

蘇絨

蘇丕

蘇軾

蘇隨

蘇棗

蘇昞

蘇伯材

蘇邁

蘇過

蘇欽

蘇爲

蘇雲卿

蘇權

蘇大璋

蘇椿

蘇易簡

蘇澄隱

蘇德祥

蘇者

蘇杲

蘇舜元

蘇洵

蘇麟

蘇頌

蘇轍

蘇利涉

蘇子元

蘇庠

蘇煜

蘇迨

蘇元老

蘇洸

蘇符

蘇總龜

蘇竦

蘇溥

蘇福

氏族典第九十五卷

蘇姓部列傳二

北周

蘇亮

按周書蘇亮傳亮字景順武功人少通敏博學好屬文善章奏舉秀才魏齊王蕭寶夤引爲參軍後寶夤開府復爲其府主簿從寶夤西征轉記室參軍寶夤遷大將軍仍爲之掾尋行武功郡事實寶作亂以亮爲黃門侍郎及寶夤敗唯亮獲全長孫稚不朱天光等西討並以亮爲郎中專典文翰累遷鎮軍將軍光祿大夫散騎常侍岐州大中正賀拔岳爲關西行臺引亮爲左丞典機密魏孝武西遷除吏部郎中加衛將軍右光祿大夫大統二年拜給事黃門侍郎領中書舍人魏文帝子宜都王式爲秦州刺史以亮爲司馬七年復爲黃門郎加驃騎將軍八年遷都官尚書使持節行北華州刺史封臨涇縣子除中書監領著作修國史十四年除祕書監車騎大將軍儀同三司尋拜大行臺尚書出爲岐州刺史朝廷以其作牧本州特給路車鼓吹先還其宅然後入州世以爲榮十七年徵拜侍中卒於位贈本官所著文筆數十篇頗行於世

蘇讓

按周書蘇亮傳亮弟讓字景恕幼聰敏好學頗有人倫鑒識初爲本州主簿稍遷別駕武都郡守鎮遠將軍金紫光祿大夫及太祖爲丞相引爲府屬甚見親待出爲衛將軍南汾州刺史治有善政尋卒官贈車騎大將軍儀同三司涇州刺史

蘇綽

按周書蘇綽傳綽字令綽武功人魏侍中則之九世孫也少好學博覽羣書尤善算術從兄讓薦綽太祖名爲行臺郎中臺中咸稱其能尋除著作佐郎屬太祖與公卿往昆明池觀漁行至城西漢故倉地顧問左右或曰蘇綽博物多通請問之太祖乃召綽具以狀對太祖大悅還留綽至夜間以治道詰朝即拜大行臺左丞參典機密大統三年齊神武三道入寇諸將咸欲分兵禦之獨綽意與太祖同遂併力拒竇泰擒之於潼關四年加衛將軍右光祿大夫封美陽縣子加通直散騎常侍進爵爲伯十年授大行臺度支尚書領著作兼司農卿性儉素不治產業家無餘財以海內未平常以天下爲己任博求賢俊共弘治道積思勞倦遂成氣疾十二年卒於位太祖痛惜之及綽歸葬武功太祖與羣公皆步送出同州郭門外明帝二年配享太祖廟庭隋開皇初追封邳國公

蘇椿

按周書蘇椿傳椿字令欽性廉慎沉勇有決斷正光中關右賊亂椿應募討之授盩厔將軍累功封遷奉朝請屬威將軍中散大夫賜爵美陽子加都督持節平西將軍太中大夫大統初拜鎮東將軍金紫光祿大夫賜姓賀蘭氏四年出爲武都郡守改授西夏州長史除帥都督行弘農郡事椿當官疆濟特爲太祖所知十四年置黨州鄉帥令椿領鄉兵其年破槃頭氏有功除散騎常侍加大都督十六年征隨郡軍還除武功郡守旣爲本邑以清儉自居小大之政必盡忠恕尋授使持節車騎大將軍儀同三司進爵

爲侯武成二年進位驃騎大將軍開府儀同三司大都督保定三年卒子植嗣

蘇師

按周書蘇亮傳亮子師起家爲黃門侍郎

蘇武周

按隋書蘇孝慈傳孝慈父武周周兗州刺史

蘇順

按隋書蘇孝慈傳孝慈兄順周眉州刺史

隋

蘇孝慈

按隋書蘇孝慈傳孝慈扶風人少沉謹有器幹美容儀周初爲中侍上士後拜都督聘於齊以奉使稱旨遷大都督其年又聘於齊還受宣納上士後從武帝伐齊以功進位開府賜爵文安縣公尋改封臨水縣公累遷工部上大夫高祖受禪進爵安平郡公拜大府卿俄遷大司農歲餘拜兵部尚書待遇踰密時皇太子勇頗知時政上欲重官之望於是拜孝慈爲太子右衛率又領太子右庶子轉授左衛率仍判工部民部二尚書稱爲幹理數載進位大將軍轉工部尚書開皇十八年將廢太子出爲浙州刺史仁壽初遷洪州總管俱有惠政其後桂林山越爲亂詔孝慈爲行軍總管擊平之卒官有子會昌

蘇沙羅

按隋書蘇孝慈傳孝慈兄子沙羅字子粹仕周釋褐都督後從章孝寬破尉遲以功授開府儀同三司封通泰縣公開皇初蜀王秀鎮益州沙羅以本官從拜資州刺史八年授邛州刺史後數載檢校利州總管

事擊西蠻累戰有功進位大將軍尋檢校益州總管長史除名卒於家有子康

蘇威

按隋書蘇威傳威字無畏京兆武功人父綽威少至性五歲喪父哀毀有若成人周太祖時襲爵美陽縣公仕郡功曹大冢宰宇文護見而禮之以其女新與主妻焉見護專權恐禍及己屏居山寺以誦讀爲娛未幾授使持節車騎大將軍儀同三司改封懷道縣公武帝親總萬機拜稍伯下大夫前後所授並辭疾不拜宣帝嗣位就拜開府高祖爲丞相高祖屢言其賢高祖召之與語大悅居月餘威聞禪代之議遁歸田里及受禪徵拜太子少保追贈其父爲邳國公以威襲焉俄兼納言民部尚書與高祖參掌朝政尋復兼大理卿京兆尹御史大夫未幾拜刑部尚書解少保御史大夫後京兆尹廢檢校雍州別駕俄轉民部尚書屬山東諸州民饑上令威賑卹之後二載遷吏部尚書歲餘兼領國子祭酒九年拜尚書右僕射以母憂去職未幾起令視事固辭不許明年上幸并州命與高祖同總畋事俄追詣行在所使決民訟威子夔少有盛名於天下四海士大夫多歸之後議衆事襲與國子博士何妥各有所持妥遂奏威免官爵以開府就第歲餘復爵郡公拜納言從祠太山坐不敬免俄而復位尋令持節巡撫江南時突厥屢爲邊患使威至可汗所與結和親以勤勞進位大將軍仁壽初復拜尚書右僕射上幸仁壽宮以威總留後事及上還御史奏威職事多不理上怒詰責後上幸仁壽宮皇太子自京師來侍疾詔威留守京師煬帝嗣

位加上大將軍高顯賀若弼等之誅也威坐與相連
免官歲餘拜魯郡太守俄召還參預朝政未幾拜太
常卿其年從征吐谷渾進位左光祿大夫後歲餘復
爲納言及遼東之役以本官領左武衛大將軍進位
光祿大夫賜爵房陵侯進封房公以本官參掌選事
明年從征遼東領右衛衛大將軍楊元感之反也威
見勞役不息百姓思亂微諷帝帝不寤從還至涿郡
詔安撫關中爲開府儀同三司後從幸鳳門爲突厥
所圍帝欲輕騎潰圍而出威諫乃止突厥俄解圍而
去車駕至太原威言於帝曰今者盜賊不止士馬疲
敝願陛下還京師爲社稷計帝初然之竟用宇文述
等議遂往東都屬帝問盜賊事威對曰不知帝不悅
後復問伐遼東事威對願赦羣盜遣討高麗帝益怒
御史大夫裴蘊希旨令白衣張行本奏威除名爲民
後從幸江都宮帝將復用威裴蘊虞世基奏言昏耄
羸疾帝乃止宇文文化及之弑逆也以威爲光祿大夫
開府儀同三司化及敗歸於李密未幾密敗歸東都
越王侗以爲上柱國邵公王充偕號署太師及唐秦
王平王充歸長安卒於家時年八十八威治身清儉
以廉慎見稱每至公議惡人異已至於論功行賞威
每承望風旨輒寢其事由是爲物議所議

蘇夔

按隋書蘇威傳威子夔少聰敏有口辯及長博覽羣
言尤以鐘律自命楊素甚奇之素每戲威曰楊素無
兒蘇夔無父

唐

蘇世長

按唐書蘇世長傳世長京兆武功人祖彤仕後魏通
直散騎常侍父振周宕州刺史建威縣侯世長襲爵
入隋爲長安令數條上便宜大業未爲都水少監督
漕上江會楊帝被弑更爲王世充行臺右僕射與世
充兄子弘烈成襄陽高祖與之舊數遣使者論降輒
殺之洛陽平始與弘烈歸授玉山屯監拜諫議大夫
從獵涇陽大獲帝入旌門詔左右曰今日敗樂乎世
長曰不滿十旬未爲樂帝色變既而笑曰狂慈發耶
侍宴披香殿酒酣進曰天下厭隋之侈以歸有道陛
下宜刈奢淫復朴素今乃即其官加雕飾焉欲易其
亂得乎帝咨重其言歷陝州長史天策府軍諮祭酒
引爲學士貞觀初使突厥與頡利爭禮不屈朝廷壯
之出爲巴州刺史舟敗溺死

蘇助

按唐書蘇瓌傳瓌從父助字慎行武德中爲秦王諮
議典籤文學館學士尚南康公主拜駙馬都尉歷吏
部侍郎太子左庶子卒

蘇定方

按唐書蘇定方傳烈字定方以字行冀州武邑人後
徙始平父邑當隋季率里中數千人爲本郡討賊定
方驍悍有氣決年十五從父戰數先登陷陣邑卒代
領其衆鄉黨賴之貞觀初爲匡道府折衝從李靖襲
突厥頡利於磧口遷左衛中郎將與程名振討高麗
拜右屯衛將軍臨清縣公從慈山道大總管程知節
征賀魯擢定方伊麗道行軍大總管復征賀魯策功
拜左驍衛大將軍邢國公別封子慶節爲武邑縣公
會恩結闕俟斤都曼先劫所部叛詔定方還爲安撫

大使都曼遂面縛降遷左武衛大將軍出爲神丘道
大總管率師討百濟王義慈降俘獻東都定方所滅
三國皆生執其王加慶節尚書奉御未幾定方爲遼
東道行軍大總管俄徙平壤道破高麗之衆於浪江
還拜涼州安集大使以定吐蕃吐谷渾乾封二年卒
年七十六諡曰壯

蘇良嗣

按唐書蘇世長傳世長子良嗣高宗時爲周王府司
馬遷荊州長史帝遣宦者採怪竹江南將時上苑宦
者所過縱暴至荆良嗣囚之上書言狀帝下詔慰獎
徙雍州垂拱初遷冬官尚書拜納言封溫國公遷文
昌左相同鳳閣鸞臺三品遇薛懷義於朝懷義僂蹙
良嗣怒叱左右批其頰曳去載初元年罷左相加特
進仍知政事卒

蘇榮

按萬姓統譜榮宰相味道之父嘗爲梓州參軍

蘇冕

按尚友錄冕字元佩武功人與弟升袞皆以友愛文
學見稱於時纂國朝政事撰令要四十卷行世

蘇弁

按尚友錄弁字元容少博學聚書二萬卷手自錄定
當時稱其爲祕府高宗時擢進士召見延英賜紫衣
金魚

蘇味道

按唐書蘇味道傳味道趙州樂城人九歲能屬辭逮
冠州舉進士中第累調咸陽尉吏部侍郎裴行儉才
之會征突厥引管書記延載中以鳳閣舍人檢校侍

郎同鳳閣鸞臺平章事歲餘爲眞證聖元年坐法繫獄降集州刺史召爲天官侍郎聖曆初復以鳳閣侍郎同鳳閣鸞臺三品更葬其親侵毀鄉人墓田蕭至忠劾之貶坊州刺史遷益州大都督府長史張易之敗坐黨附貶眉州刺史復遷益州長史未就道卒贈冀州刺史味道練臺閣故事善占奏然其爲相特異位未嘗有所發明常謂人曰決事不欲明白誤則有悔摸稜持兩端可也故世號摸稜手

蘇珣

按唐書蘇珣傳珣雍州藍田人申明經第調郾尉垂拱初爲監察御史諂監軍河西五遷右司郎中進左肅政臺御史大夫后營大像珣上疏切諫中宗將斬韋月將珣執據不可忤三思意改右臺俄出爲岐州刺史復爲右臺大夫會節愍太子敗詔株索支黨時睿宗居藩爲獄辭牽連珣密啓保辯擢戶部尚書封河內郡公以檢校太子詹事致仕卒

蘇幹

按唐書蘇幹傳幹從父兄也擢明經授徐王府記室參軍王好畋每諫止之垂拱中遷魏州刺史拜右羽林軍將軍遷冬官尚書來俊臣素忌之誣幹與琅邪王冲通書繫獄發憤卒

蘇瓌

按唐書蘇瓌傳瓌字昌客雍州武功人隋尚書僕射威之曾孫擢進士第補恆州參軍歷朗歙二州刺史久之轉揚州大都督府長史徙同州刺史神龍初入爲尚書右丞再遷戶部尚書拜侍中中宗復政鄭普思以妖幻相煽詠爲亂瓌捕繫窮訊普思妻以左道

得幸韋后有詔勿治瓌廷爭不可帝猶依違司直范獻忠瓌使按普思者進曰瓌爲大臣不能前誅逆豎而報天子罪大矣臣請先斬瓌於是僕射魏元忠頓首曰瓌長者用刑不枉帝不得已流普思於儋州累拜尚書右僕射同中書門下三品進封許國公睿宗卽位進左僕射景雲元年卒諡曰文貞

蘇安恆

按唐書蘇安恆傳安恆冀州武邑人武后末年太子雖遷東宮政事一不與大臣畏禍無敢言安恆投匭上書后雖猜克不能無感慰遣之明年復諫曰唐祚中弱陛下因卽位今太子年德已盛尚貪有大寶忘母子之恩以據神器何施顏面見唐家宗廟大帝陵寢哉不報於是魏元忠爲張易之兄弟所構獄方急安恆獨申救易之等大怒遣刺客邀殺之賴桓彥範等悉力營解乃免神龍初爲習藝館內教節愍太子難或譏安恆謀謀死獄中

蘇踐言

按唐書蘇世長傳世長子良嗣良嗣子踐言官太常丞爲酷吏所陷死嶺南

蘇晉

按唐書蘇晉傳珣子晉舉進士及大禮科皆上第先天中爲中書舍人出爲泗州刺史珣卒歷戶部侍郎襲爵遷吏部時朱璟兼尚書事晉與齊澣更典二都選既糊名校判而晉獨事賞拔當時譽之及裴光廷知尚書有過官被却者就藉以朱點頭而已晉因榜選院曰門下點頭者更擬光廷以爲侮已出晉汝州刺史遷魏州終太子左庶子

蘇頌

按唐書蘇頌傳頌字頌字廷碩弱冠第進士調烏程尉再遷監察御史拜中書舍人遷太常少卿爲中書侍郎加知制誥俄覲封許國公吐蕃盜邊諸將數敗寇益張帝怒欲自將兵討之頌諫不省開元四年進同紫微黃門平章事與宋璟同當國璟剛正多所裁決頌能推其長在帝前敷奏璟有未及或少屈頌輒助成之有不合意頌更申璟所執故帝未嘗不從二人相得歡甚璟嘗曰吾與蘇氏父子同爲宰相僕射長厚自是國器若獻可替否事至卽斷則今丞相爲過之八年罷爲禮部尚書俄檢校益州大都督長史按察節度劍南諸州備州蠻貊其院與吐蕃連謀入寇獲謀者吏請討之頌不聽移書還其謀曰毋得兩宜院羞悔不敢侵邊從封泰山還分主十銓事卒諡曰文憲頌性廉儉奉稟悉推散諸弟親族儲無長貲自景龍後與張說以文章顯稱望略等故時號燕許大手筆

蘇又

按唐書蘇頌傳頌中子又左補闕

蘇訥

按唐書蘇頌傳頌子訥字廷言舉賢良方正高第補汾陰尉遷祕書詳正學士累轉給事中頃之出徐州刺史治有述卒贈吏部侍郎

蘇務元

按唐書蘇世長傳世長子良嗣良嗣子踐言踐言子務元終郿王府長史

蘇源明

按唐書蘇源明傳源明京兆武功人初名預字弱夫少孤寓居徐兗工文辭有名天寶間及進士第更試集賢院累遷太子諭德出爲東平太守召爲國子司業安祿山陷京師源明以病不受僞署肅宗復兩京擢考功郎中知制誥數陳政治得失及史思明陷洛陽有詔幸東京將親征源明因上疏極諫帝嘉其切直遂罷東幸後以祕書少監卒

蘇震

按唐書蘇環傳環子詵詵子震以蔭補千牛累遷殿中侍御史長安令安祿山陷京師震與尹崔九遠殺開遠門吏棄家出奔會肅宗興師靈武震晝夜馳及行在帝嘉之拜御史中丞還文部侍郎廣平王爲元帥崇擇資佐以震爲糧料使二京平封岐陽縣公改河南尹貶濟王府長史起爲絳州刺史進戶部侍郎判度支爲秦陵建陵鹵簿使以勞封岐國公拜太常卿卒

蘇巢

按唐書錢徽傳徽拜禮部侍郎段文昌李紳以所善楊渾之李紳以周漢賓誘徽求致第籍徽不能如二人請自取楊殷士蘇巢巢者李宗閔督殷士者汝士之弟皆與徽厚文昌怒奏徽取士以私

蘇檢

按陝西通志檢字聖用武功人舉進士歷中書舍人昭宗天復二年拜工部侍郎同中書門下平章事朱全忠崔引反覆爲姦朝廷危於累卵檢以韓偓有才辨數言於李茂貞欲以相偓茂貞以偓陰附引之事不肯拜初茂貞與諸宦者恐上自別用人協力薦檢

明年二月丙子引與全忠竟害檢

後梁

蘇循

按五代史蘇循傳循不知何許人也爲人巧佞無廉恥惟利是趨事唐爲禮部尚書是時梁太祖已弑昭宗立哀帝唐之舊臣皆憤惋切齒而循特附會梁以希進用倡言梁王功德宜卽受禪明年梁太祖卽位循爲冊禮副使子楷爲起居郎父子皆自以附會梁得所託旦夕引首希見進用敬翔惡之謂太祖曰梁室新造宜得端士以厚風俗循父子皆無行不可立於新朝於是父子皆勒歸田里乃依朱友諒於河中其後友諒叛梁降晉道循至魏州是時梁未滅晉諸將相多不欲晉王卽帝位循始至魏州望州廡聽事卽拜謂之拜殿及入謁舞蹈呼萬歲而稱臣晉王大悅明日又獻書曰筆三十管晉王益喜因以循爲節度副使已而病卒

後唐

蘇楷

按五代史蘇循傳循子楷同光中爲尚書員外郎以憂死

蘇瓊

按宋史蘇曉傳曉父瓊仕後唐歷祕書少監

蘇章

按十國春秋南漢蘇章以牙校事高祖積功至左右街使大有初楚人舉水軍侵封州章將神弩三千戰艦百艘往救既至賀江章沉鐵鉅於水中爲巨輪兩岸上築堤以隱之因輕舟迎戰陽敗而奔楚人以爲

怯也遂之章舉巨輪挽鉅鐵楚舟不得進退用強弩夾江射之楚人大敗解圍遁去高祖改章封州團練使章驍勇善戰而行軍多合古法遂爲一時名將子五人俱爲中郎將家俠任氣當世號五郎將云

後漢

蘇逢吉

按五代史蘇逢吉傳逢吉京兆長安人也漢高祖鎮河東父悅爲高祖從事逢吉常代悅作奏記高祖召見以爲節度判官甚愛之然逢吉爲人貪詐無行喜爲殺戮高祖嘗以生日遣逢吉疏理獄囚以祈福謂之靜獄逢吉入獄中閱囚無輕重曲直悉殺之以報曰獄靜矣高祖建號拜逢吉中書侍郎同中書門下平章事是時制度草創朝廷大事皆出逢吉逢吉以爲己任然素不學問隨事裁決出其意見九納貨賂市權鬻官嘗從高祖征鄴數使酒辱周太祖於軍中太祖恨之乾祐二年加拜司空周太祖至北郊官軍敗於劉子陂逢吉與隱帝走趙村自殺於民舍

宋

蘇協

按宋史蘇易簡傳易簡父協舉蜀進士歸宋累任州縣以易簡居翰林任開封縣兵曹參軍俄遷光祿寺丞卒特贈祕書丞

蘇易簡

按宋史蘇易簡傳易簡字太簡梓州銅山人少聰悟好學風度奇秀才思敏瞻太平興國五年舉進士太宗臨軒覆試擢冠甲科解褐將作監丞通判昇州遷左贊善大夫八年以右拾遺知制誥雍熙初以郊祀

思進秩祠部員外郎二年知貢舉有詔凡親屬就舉者籍名別試易簡妻弟崔範匿父喪充貢奏名在上第又王千里者水部員外郎平之子協爲平門生千里預薦上聞坐範及千里罪易簡緣是罷知制誥以本官奉朝請未幾復知制誥三年充翰林學士連知貢舉淳化元年丁外艱二年同知京朝官考課選中書舍人充承旨會郊祀充禮儀使知審官院改知審刑院俄掌吏部選遷給事中參知政事時趙昌言亦參知政事與易簡不協至忿爭上前上皆優容之未幾昌言出知鳳翔府明年易簡亦以禮部侍郎出知鄧州移陳州至道二年卒贈禮部尚書三子曰宿曰壽曰耆大中祥符間皆錄之以官云

蘇曉

按宋史蘇曉傳曉字表東京兆武功人長與初曉辟鄧州從事漢祖鎮太原表爲觀察支使周廣順初由華州支使入爲大理正以獄有功遷少卿顯德中歷屯田郎中宋初詔詳定刑統及編敕建隆四年權大理少卿事遷度支郎中乾德三年出爲淮南轉運使遷司勳郎中改西川轉運使掌京城市征權拜右諫議大夫七年監在京商稅九年六月卒曉深文少恩當時號爲酷吏

蘇澄隱

按宋史蘇澄隱傳澄隱字樓真真定人爲道士住龍興觀得養生之術年八十餘不衰老後唐明宗嘗下詔召之又令宰相馮道致書諭旨歷清泰天福中繼有聘命並辭疾不至開運末契丹主兀欲立求有名稱僧道加以恩命惟澄隱不受當時公卿自馮道李

崧和凝而下皆在鎮陽日造其室與談宴各賦詩以贈周廣順顯德中詔存問之太祖征太原還駐蹕鎮陽召見行宮命中使掖升殿謂之曰京師作建隆觀思得有道之士居之師累辭名命豈懷士耶對曰大梁帝宅浩穰繁會非林泉之士所可寄跡也上察其意亦不彊之賜茶百斤絹二百匹又幸其觀問曰師年逾八十而氣貌益壯善養生者也因問其術對曰臣之養生不過精思練氣耳帝王養生即異於是老子曰我無爲而民自化我無欲而民自正無爲無欲凝神太和昔黃帝唐堯享國永年得此道也上大悅賜紫衣一襲銀器五百兩帛五百匹僅百歲而卒

蘇祐

按尚友錄祐眉山人味道後少穎悟過人至成都遇道士異之屏人謂曰吾能變化百物將以授子祐固辭道人笑曰是果有以過人矣自是隱名益彰

蘇德祥

按益都縣志德祥建隆間狀元

蘇紳

按宋史蘇紳傳紳字儀甫泉州晉江人進士及第歷宜復安三州推官改大理寺丞再遷太常博士舉賢良方正科擢尚書祠部員外郎通判洪州徙揚州歸上十議進直史館爲開封府推官三司鹽鐵判官安化蠻寇宜州紳上言朝廷施用其策蠻遂平又陳便宜八事帝嘉納之進史館修撰權知制誥入翰林爲學士再遷尚書禮部郎中改龍圖閣學士史館修撰權判尚書省紳銳於進取善中傷人陰中王德用其疏至有宅枕乾岡親類藝祖之語帝惡之遂出紳以

吏部郎中改侍讀學士集賢殿修撰知河陽徙河中未行感疾爲醫者藥所悞瘡力疾嘗之已而卒

蘇者

按宋史蘇舜欽傳舜欽父者有才名爲工部郎中直集賢院

蘇慶文

按宋史蘇慶文傳慶文夏縣人事父母以孝聞母少寡慶文懼其妻不能敬事母戒之曰汝事吾母少不謹必逐汝妻奉教母得安其室終身

蘇杲

按尚友錄杲祐子以施予顯名

蘇序

按尚友錄序杲子讀書通大義爲詩務達志子澹漠

蘇舜元

按宋史蘇舜欽傳舜欽兄舜元字子翁爲人精悍任氣節爲歌詩亦豪健尤善草書舜欽不能及官至尚書度支員外郎三司度支判官

蘇舜欽

按宋史蘇舜欽傳舜欽字子美參知政事易簡孫少懷慨有大志狀貌怪偉當天聖中學者爲文多病偶對獨舜欽與河南穆修好爲古文歌詩一時豪俊多從之游初以父任補太廟齋郎調榮陽縣尉玉清昭應宮災舜欽年二十一詣登聞鼓院上疏尋舉進士改光祿寺主簿知長垣縣遷大理評事監在京店宅務康定中河東地震舜欽詣匭通疏范仲淹薦其才召試爲集賢校理監進奏院舜欽娶宰相杜衍女衍

時與仲淹富弼在政府多引用一時聞人欲更張庶事御史中丞王拱辰等不便其所為會進奏院祠神舞飲與右班殿直劉異輒用鬻故紙公錢名妓樂間多會賓客拱辰廉得之諷其屬魚周詢等劾奏因欲搖動行事下開封府劾治於是舞飲與異俱坐自盜除名同時會者皆知名士因緣得罪逐出四方者十餘人世以為過薄而拱辰等方自喜曰吾一舉網盡矣舞飲既放廢寓於吳中二年得湖州長史卒舞飲數上書論朝廷事在蘇州買水石作滄浪亭益讀書時發憤應於歌詩其體豪放往往驚人善草書每酣酒落筆爭為人所傳及謫死世尤惜之

蘇洵

按宋史蘇洵傳洵字明允眉州眉山山人年二十七始發憤為學歲餘舉進士又舉茂才異等皆不中悉焚常所為文閉戶益讀書遂通六經百家之說下筆頃刻數千言至和嘉祐間與二子賦輒皆至京師翰林學士歐陽修上其所著書二十二篇既出士大夫爭傳之一時學者競效蘇氏為文章所著權衡論機策文多不可悉錄宰相韓琦見其書善之奏於朝召試舍人院辭疾不至遂除祕書省校書郎會太常修纂建隆以來禮書乃以為霸州文安縣主簿與陳州項城令姚開同修禮書為太常因革禮一百卷書成方奏未報卒賜其家銀二百子軾辭所賜求贈官特贈光祿寺丞敕有司具舟載其喪歸蜀有文集二十卷諡法三卷

蘇軾

按宋史蘇軾傳軾字宣甫泉州晉江人舉進士調廣

州南海主簿再調陽武尉累遷祕書丞知英州儋智高圍廣城募士數千人殺賊有功仁宗喜換為供備庫副使廣東諸監管押兩路兵甲遣中使賜朝衣金帶襲賊至邕大將陳曙以失律誅賊貶房州司馬復著作佐郎監越州稅十餘年始還副使知康州戊卒楊福醉焚營延燒民廬因乘以為竊軾坐謫潭州都監未幾知鼎州熙寧初進如京使廣東幹轄四年交趾謀入寇以軾為皇城使知邕州既受圍軾晝夜行勞士卒發神臂弓射賊所殪甚眾以外援不至城遂陷軾領傷卒馳騎戰愈厲而力不敵乃亟還州治殺其家三十六人縱火自焚死神宗聞軾死嗟悼贈奉國軍節度使諡忠勇子子明子正孫廣淵溫同死軾沒後交人謀寇桂州行數舍其眾見大兵從北來呼曰蘇城隍領兵來報怨懼而引歸邕人為軾立祠元祐中賜額懷忠

蘇麟

按萬姓統譜麟工詩有近水樓臺先得月之句范文正公薦用之

蘇丕

按益都縣志丕祖德祥建隆間狀元丕少有高行一試不中拂衣去居汴水之濱五十年不踐城市歐陽修言於朝賜號冲退處士

蘇頌

按宋史蘇頌傳頌字子容泉州南安人父紳葬潤州丹陽因徙居之第進士歷宿州觀察推官知江寧縣調南京留守推官時杜衍老居睢陽見頌深器之自謂平生人罕見其用心處遂自小官以至為侍從宰

相所以施設出處悉以語頌故頌後歷政略似行云皇祐五年召試館閣校勘同知太常禮院遷集賢校理編定書籍富弼與韓琦為相同表其廉退知穎州英宗即位召提點開封府界諸縣鎮公事遷度支判官命為淮南轉運使召起居注擢知制誥知通進銀臺司知審刑院大臣薦秀州判官李定召見擢太子中允頌當制執奏不已於是落知制誥歸工部郎中班歲餘知婺州徙亳州加集賢院學士知應天府凡更三赦頌纔授祕書監知通進銀臺司吳越僞還知杭州及修兩朝正史轉右諫議大夫使契丹元豐初權知開封府有僧犯法事連祥符令李純御史舒亶糾其故縱貶祕書監知濠州以泄獄情罷郡未幾知河陽改知滄州召判尚書吏部兼詳定官制契丹通好八十餘年盟誓聘使禮幣儀式皆無所考據頌書成帝喜賜名魯衛信錄除吏部侍郎遷光祿大夫元祐初拜刑部尚書遷吏部兼侍讀既又請別製渾儀因命頌提舉遷翰林學士承旨五年擢尚書左丞七年拜右僕射兼中書門下侍郎頌為相務在奉行故事使百官守法遵職量能授任杜絕僥倖上章辭位罷為觀文殿大學士集禧觀使繼出知揚州徙河南辭不行告老以中太一宮使居京口紹聖四年拜太子少師致仕徽宗立進太子太保爵累趙郡公建中靖國元年卒年八十二詔贈司空

蘇軾

按宋史蘇軾傳軾字子瞻眉州眉山人生十年父洵游學四方母程氏親授以書聞程氏讀東漢范滂傳慨然太息比冠博通經史屬文日數千言嘉祐二年

試禮部擢第二復以春秋對義居第一殿試中乙科
丁母憂五年調福昌主簿歐陽修以才識兼茂薦之
復對策入三等除大理評事簽書鳳翔府判官治
平二年入判登聞鼓院英宗自藩邸聞其名召試二
論復入三等得直史館會洵卒贈以金帛辭之熙寧
二年還朝王安石執政素惡其議論異己以判官告
院四年安石欲變科舉與學校詔兩制三館議賦上
議不可神宗悟即日召見問方今政令得失安石不
悅命權開封府推官將困之以事賦決斷精敏聲聞
益遠賦見安石贊神宗以獨斷專任因試進士發策
以晉武平吳以獨斷而克苻堅伐晉以獨斷而亡齊
桓專任管仲而霸燕喻專任子之而敗事同而功異
爲問安石滋怒使御史謝景溫論奏其過窮治無所
得賦遂請外通判杭州時新政日下賦於其間每因
法以便民民賴以安徙知密州未幾徙知徐州復知
湖州上表以謝又以事不便民者不敢言以詩託諷
御史李定舒直何正言撫其語並媒孽所爲詩以爲
訕謗逮臺獄欲寘之死鍛鍊久之不決神宗獨憐之
以黃州團練副使安置賦與田父野老相從溪山間
築室於東坡自號東坡居士三年神宗數有意復用
輒爲當路者沮之神宗嘗語宰相王珪蔡確曰國史
至重可命蘇軾成之珪有難色神宗用曾鞏鞏進太
祖總論神宗意不允遂手札移軾汝州軾未至汝上
書自言有田在常願得居之報可至常神宗崩哲宗
立復朝奉郎知登州召爲禮部郎中遷起居舍人軾
起於憂患不欲驟履要地辭於宰相蔡確確不許元
祐元年遷中書舍人尋除翰林學士二年兼侍讀每

進讀反覆開導三年權知禮部貢舉四年積以論事
爲當軸者所恨軾恐不見容請外拜龍圖閣學士知
杭州有德於民家有畫像飲食必祝又生作祠以報
六年召爲吏部尚書未至以弟轍除右丞改翰林承
旨軾在翰林數月復以議請外乃以龍圖閣學士出
知穎州七年徙揚州未幾歲以兵部尚書召兼侍讀
哲宗親祀南郊軾爲鹵簿使尋遷禮部兼端明殿翰
林侍讀兩學士爲禮部尚書八年宣仁后崩哲宗親
政軾乞補外以兩學士出知定州紹聖初御史論軾
掌內外制日所作詞命以爲譏議先朝遂以本官知
英州尋降一官未至貶寧遠軍節度副使惠州安置
又貶瓊州別駕徽宗立移廉州改舒州團練副使徙
永州更三大赦還提舉玉局觀復朝奉郎建中靖國
元年卒於常州軾自爲舉子至出入侍從必以愛君
爲本忠規議論挺挺大節羣臣無出其右高宗即位
贈資政殿學士以其文實左右讀之終日忘倦親製
集贊賜其曾孫嶠遂崇贈太師諡文忠

蘇轍

按宋史蘇轍傳轍字子由與兄軾同登進士科又同
策制舉極言得失策入考官胡宿以爲不通請黜之
仁宗曰以直言召人而以直言棄之天下其謂我何
宰相不得已寘之下等授商州軍事推官時父洵被
命修禮書兄軾簽書鳳翔判官轍乞養親京師三年
軾還轍爲大名推官逾年丁父憂服除神宗立已二
年轍上書言事召對延和殿時王安石以執政與陳
升之領三司條例命轍爲之屬呂惠卿附安石轍與
論多相格安石行青苗法轍力陳其不可安石怒將

加以罪升之止之以爲河南推官會張方平知陳州
辟爲教授三年授齊州掌書記又三年改著作佐郎
復徙方平簽書南京判官居二年坐兄軾以詩得罪
謫監筠州鹽酒稅移知績溪縣哲宗立以秘書省校
書郎召元祐元年爲右司諫遷起居郎中書舍人進
戶部侍郎代軾爲翰林學士尋權吏部尚書使契丹
使還爲御史中丞六年拜尚書右丞進門下侍郎紹
聖初哲宗起李清臣爲中書舍人鄧潤甫爲尚書左
丞二人久在外不得志稍復言熙豐事以激怒哲宗
意會廷試進士清臣撰策題即爲邪說轍諫哲宗覽
奏以爲引漢武方先朝不悅落職知汝州居數月元
豐諸臣皆會於朝再責知袁州未至降朝議大夫試
少府監分司南京筠州居住三年又責化州別駕雷
州安置移循州徽宗即位徙永州岳州已而復大中
大夫提舉鳳翔上清太平宮崇寧中蔡京當國又降
朝議大夫罷祠居許州再復大中大夫致仕築室於
許號穎濱遺老政和二年卒追復端平殿學士淳熙
中諡文定三子遲适遜

蘇隨

按泉州府志隨晉江人嘉祐二年進士任博羅令棄
官歸鄉里號紫雲先生葆神鍊氣不與俗接後端坐
而逝

蘇利涉

按宋史蘇利涉傳利涉字公濟祖保遷自廣州以閩
人從劉鋹入朝利涉初爲入內內品慶曆中衛士之
變以護衛有勞賞激加等英宗爲皇子利涉給事東
宮及即位遷東頭供奉官幹當御藥院遷供備庫使

神宗即位授達州刺史歷內侍押班副都知轉海州團練使仙韶院火營救甚力卒年六十四贈奉國軍節度使諡勤僖

蘇宋

按宋史蘇宋傳宋字公佐磁州滏陽人擢第調兗州觀察推官遷審刑院詳議御史臺推直官知單州提點梓州益州路刑獄路轉運使入判大理寺爲湖北淮南成都路轉運使擢侍御史知雜事判刑部使契丹還進度支副使以集賢殿修撰知鳳翔還糾察在京刑獄又出知潭州廣州累轉給事中知河南府無畱訟入知審刑院卒

蘇子元

按宋史蘇絨傳絨子子元爲桂州司戶寇至邕城陷絨自焚死神宗嗟悼以子元爲西頭供奉官閤門祇候召對改授殿中丞通判邕州

蘇炳

按萬姓統譜炳武功人始學於張載而事二程卒業元祐末呂大忠薦之爲太常博士後坐元符上書入黨籍編管饒州

蘇庠

按尚友錄庠澧州人以詩名蘇軾見其清江曲云長占烟波弄明月謂置太白集中誰疑其非自是聲名籍甚時當國者誘以美官庠笑曰官自美也庠亦自美也紹聖初徐俯在樞筦力薦於朝不起後徙居丹陽秦檜欲召見庠曰我老矣不忍取賣雲壑卒年八十餘號後湖居士有文集行世

蘇伯材

按尚友錄伯材字延構晉江人紹聖末進士知潮陽縣有富民殺其姪女浼吏密懷白金數百兩置於前且曰其事伯材械治之事連縣佐部使者以聞詔褒其能知韶州憲司吏執翁源縣平民爲賊以幸賞賂縣令梁格使獄死伯材廉知事狀以聞於朝格坐黜海島伯材有文集周易解義三十卷兄珍玠子松俱登第

蘇煜

按僊遊縣志煜字天寵登元符三年進士第提舉成都學事乞便親移淮東入爲國子司業知泉福建三州名爲禮部侍郎巧祠欽宗即位再以禮部侍郎召適時多故乞致仕加大中大夫徵欲閣待制卒

蘇適

按宋史蘇軾傳軾子適善爲文駕部員外郎

蘇迥

按宋史蘇軾傳軾子迥善爲文承務郎

蘇過

按宋史蘇軾傳軾子過字叔黨軾知杭州過年十九以詩賦解兩浙路禮部試下及軾爲兵部尚書任右承務郎軾帥定武謫知英州貶惠州遷僊耳漸徙廉水獨過侍之軾卒於常州過葬軾汝州郟城小峨眉山遂家穎昌營湖陰水竹數畝名曰小斜川自號斜川居士卒年五十二初監太原府稅次知穎昌府晚權通判中山府時稱爲小坡七子齋籍節笈簞箠箭

蘇元老

按宋史蘇轍傳轍族孫元老子字廷幼孤力學長於春秋善屬文軾謫居海上數以書往來軾喜其爲學

有功轍亦愛獎之黃庭堅見而奇之曰此蘇氏之秀也舉進士調廣都簿歷漢州教授西京國子博士通判彭州政和間除國子博士歷祕書正字將作少監比部考功員外郎尋除成都路轉運副使爲軍器監司農衛尉太常少卿言者論元老蘇軾從孫且爲元祐邪說不宜在中朝罷爲提點明道宮未幾卒年四十七有詩文行於時

蘇欽

按泉州府志欽字伯承德化人宣和中第進士除江西帥屬賴卒叛爲帥漕畫策平之知巴州舊例有脚乘三千緡悉以代民輸賦移閬州以治最薦得旨再任未幾除利州路轉運判官又條時政五事上之卒於成都

蘇沈

按萬姓統譜沈字澄老仙遊人知臨穎縣修治述陵民號蘇公陵歷官雷州秩滿赴闕進三劄皆切時務改新州民有何暮之歌

蘇爲

按萬姓統譜爲知邵武軍政尚清簡在郡有詩人所傳誦後袁穀作守讀其詩因爲詩云手掬樵溪塵可洗恨無雄筆繼蘇爲

蘇符

按宋史蘇軾傳軾卒高宗即位以其孫符爲禮部尚書

蘇雲卿

按宋史蘇雲卿傳雲卿廣漢人紹興間來豫章東湖結廬獨居待鄰曲有恩禮無良賤老稚皆愛敬之稱